



XIII CONCURSO DE TRAXES MEDIEVAIS

BASES

Primeira

O Concello de Monforte de Lemos convoca o **XIII Concurso de Traxes Medievais**, actividade que se realizará dentro do programa de actos da *XXII Feira Medieval* o día **5 de abril de 2026**.

Segunda

O obxectivo deste concurso é premiar os mellores traxes medievais que luzan os participantes inscritos, e así incentivar os monfortinos e os visitantes á participación e á ambientación nos actos organizados con motivo da *Feira Medieval*.

Terceira

Para participar no **concurso de traxes medievais** é necesario inscribirse oficialmente. As solicitudes de inscrición para a participación no concurso presentaranse no Rexistro Xeral do Concello de Monforte do 16 ó 31 marzo de 2026.

Cuarta

As modalidades do concurso de traxes son as seguintes, entendendo por infantil ata os 12 anos:

- | | |
|-----------------|---|
| Adultos | - Individual |
| | - Parellas (2 compoñentes) |
| | - Grupos (a partir de 5 compoñentes) |
| Infantil | - Individual |
| | - Parellas (2 compoñentes) |
| | - Grupos (a partir de 5 compoñentes) |

Quinta

Os/as participantes vestiranse tendo en conta a temática medieval.

Se se participa na modalidade individual non se poderá participar na modalidade parella e á inversa.

Sexta: PREMIOS

ADULTO

Individual	1º premio	100,00 €	2º premio	75,00 €
Parellas	1º premio	200,00 €	2º premio	175,00 €
Grupo	1º premio	300,00 €	2º premio	225,00 €

INFANTIL

Individual	1º premio	100,00 €	2º premio	50,00 €
Parellas	1º premio	150,00 €	2º premio	100,00 €
Grupo	1º premio	225,00 €	2º premio	150,00 €

Os premios serán indivisíbeis e poderán quedar desertos algúns deles, segundo a decisión do xurado do concurso. En caso de empate decidirá o voto de calidade do presidente do xurado. O xurado terá liberdade para establecer as súas cualificacións.

O gasto máximo do concurso será de 1.850,00€ e concederanse con cargo á aplicación 3340.481.00 do vixente orzamento municipal.

Sétima

O xurado do concurso estará composto por:

PRESIDENTE: A Delegada de Cultura ou persoa á que designe.

VOGAIS: 4 persoas que traballen nas diferentes empresas contratadas para o desenvolvemento da Feira Medieval e en agrupacións e asociacións relacionadas con feiras medievais así como representantes de asociacións e colectivos relacionados coa vida monfortina.



SECRETARIO: O técnico de cultura do Concello de Monforte, con voz e sen voto, que certificará o cumprimento das condicións establecidas nas bases do concurso.

A composición do xurado aprobarase e darase a coñecer polo Concello con antelación suficiente.

Oitava

Criterios de valoración do xurado:

Traxes realizados artesanalmente, a súa elaboración, a riqueza en complementos, a posta en escena, o material utilizado e o seu rigor histórico, tamén se valorará a permanencia do participante co traxe posto durante os actos organizados durante a *Feira Medieval*, contribuíndo á animación do mercado coa súa presenza.

Co fin de que sexan obxectivas as cualificacións do xurado, cada criterio enumerado terá unha valoración entre 0 e 10 puntos cun máximo de 70 puntos por xurado.

Novena

Os participantes no concurso concentraranse na praza de España onde estará o xurado ás 17:00 h do domingo 5 de abril.

O persoal de organización e o xurado do concurso quedan facultados para excluír do concurso calquera elemento que se considere perigoso (petardos, bengalas...), co obxecto de garantir a seguridade dos demais participantes e do público asistente.

Décima

A decisión do xurado e a entrega dos premios farase o día 5 de abril ás 19:00 h, na praza de España.

Décimo primeira

Os aboamentos dos premios serán tramitados polo Concello de Monforte de Lemos, a través dunha transferencia bancaria. Previamente será necesario a presentación do certificado bancario cun número da conta do titular e xustificación nos termos sinalados nestas bases.

Non poderá realizarse o pagamento do premio mentres o beneficiario non se atope ó corrente no cumprimento das súas obrigas tributarias ou coa seguridade social ou sexa debedor por resolución de procedencia de reintegro.

Décimo segunda

A inscrición no concurso de traxes medievais implica a autorización ó Concello de Monforte de Lemos de todos os participantes inscritos, da recollida e tratamento dos Datos Persoais dos participantes que teñen como finalidade a xestión do concurso convocado polo Concello, entrega de premios e publicación dos gañadores, así como na posible difusión dos documentos visuais recollidos na realización da actividade, documentos a utilizar polo Concello na súa páxina web, na elaboración de carteis, en folletos informativos ou outras posibles edicións municipais.

A participación no concurso supón a aceptación de todas e cada unha das bases. A decisión do xurado é inapelable. Contra a resolución definitiva que esgota a vía administrativa, os interesados poderán interpor recurso potestativo de reposición ante o órgano que ditou a resolución de conformidade cos artigos 123 e 124 da lei 39/2015 de 1 de outubro, do procedemento administrativo común das administracións públicas, ou ben directamente o recurso contencioso - administrativo, no prazo de dous meses, perante o Xulgado co Contencioso - Administrativo de Lugo.

Décimo terceira

No non previsto nas presentes bases estarase ao disposto na ordenanza xeral reguladora da concesión de subvencións municipais e de xeito supletorio na Lei 38/2003 do 17 de novembro, Xeral de subvencións, no RD 887/2006 de 17 de novembro, polo que se aproba o Regulamento da Lei 38/2003, e na Lei 9/2007 do 13 de xuño de subvencións de Galicia.